

প্রাথমিক শিক্ষা সমাপনী পরীক্ষা

কক্সন সরকার, তত্ত্বাবধায়ক, শিশুবাচ্চর পাঠশালা সুন্দরগঞ্জ, গাইবান্ধা।

এবার বাংলাদেশের যেকোনো উৎসব সম্পর্কে অনুচ্ছেদ রচনা লিখতে বলা হয়েছে। অবশ্য পরীক্ষায় ২০০ শব্দের মধ্যে রচনা লিখতে বলা হবে এবং কিছু সংকেত দেওয়া থাকবে। তোমাদের জন্য আজ একটি রচনা দেওয়া হলো।

ঈদ উৎসব

সূচনা : 'ঈদ' আরবি শব্দ। ঈদ মানে খুশি বা আনন্দ। ঈদ মুসলমানদের ঘরে খুশির বার্তা নিয়ে আসে। মিলনের বহিঃ প্রকাশ ঘটায়। ছোট-বড়, ধনী-গরিব সবাই নিজ ভেদাভেদ ভুলে এদিনে আনন্দে মেতে ওঠে। আর হাসি মাখা মুখে উচ্চারিত হয় ঈদ মোবারক, ঈদ মোবারক।

প্রকার ভেদ : মুসলমানদের ধর্মীয় জীবনে বৎসরে দুটি ঈদ উৎসব পালিত হয়ে থাকে। একটি 'ঈদুল ফিতর' আর একটি 'ঈদুল আযহা'।

ঈদুল ফিতর : 'ঈদুল ফিতর' শব্দটি আরবি শব্দ। দীর্ঘ এক মাস রোজা রেখে সংযম সাধনার মধ্য দিয়ে পালন করা হয় ঈদুল ফিতর। এটি শাওয়াল মাসের প্রথম তারিখে অনুষ্ঠিত হয়। অর্থাৎ রমযান মাসের রোজা রাখার পর শাওয়াল মাসের নতুন চাঁদ দেখা দিলে পরদিন ঈদুল ফিতর অনুষ্ঠিত হয়।

ঈদুল ফিতরের ইতিহাস : হযরত মুসা (আ.) মিশরের অত্যাচারী নরপতি ফেরাউনের কবল থেকে উদ্ধার লাভ করে নিজ শিষ্যদের নিয়ে যে স্বাধীনতা উৎসব পালন করেন তারই আদর্শ অনুসারে ঈদুল ফিতর উৎসব পালিত হয়।

ঈদুল ফিতর উদযাপন : খুব ভোরে ঘুম থেকে উঠে গোসল করে খোশবু আতর মেখে জর্দা-সেমাই খেয়ে নতুন এবং পরিষ্কার জামাকাপড় পরে মুসলমান পুরুষেরা ঈদগাহে নামাজ পড়তে যায়। নামায পড়ার আগে সদকায়ে ফিতরা আদায় করা ওয়াজিব হিসেবে গণ্য করা। প্রত্যেক মুসলমানের বাড়িতে সাধ্যমত সুস্বাদু ও বিভিন্ন রকমের খাবারের আয়োজন করা হয়। নামাজ শেষে একে অপরের সাথে কোলাকুলি করে কুশল বিনিময় করে। গরীব-দুঃখী

মানুষের মুখে সেদিন খাবার বিলিয়ে দেয় ও মুক্ত হস্তে দান করে। অনেককে দাওয়াত করিয়ে খাওয়ানো হয়। ধনী মুসলমানেরা গরীবদের মাঝে নিয়মানুযায়ী জাকাত দেয়। বাঙালি মুসলমান সমাজে সুর ভেসে বেড়ায়— 'রমজানের ওই রোজার শেষে এলো খুশির... আর ঈদ মোবারক।'

ঈদুল আযহা : ঈদুল আযহা শব্দটিও আরবি শব্দ। এর অর্থ উৎসর্গের উৎসব। ঈদুল ফিতরের দুই মাস দশ দিন পর এর উৎসব পালিত হয়।

ঈদুল আযহার ইতিহাস : আল্লাহ তায়ালা ইব্রাহিম (আ.) কে তার প্রিয় বস্ত্র কোরবানীর নির্দেশ দেন। তিনি উট ও দুধা কোরবানি দেয়ার পরও বার বার একই স্বপ্ন দেখলেন। পরে প্রিয় বস্ত্র চিত্তা করে প্রিয় পুত্র ইসমাইল (আ.) কে কোরবানি দেয়ার জন্য প্রস্তুত হলেন। আল্লাহর নির্দেশ পালনের জন্য চোখ বেঁধে পুত্র ইসমাইলের গলায় ছুরি চালালেন তখনই দৈব্যা বাণী হয় যে, তাঁর অপূর্ণ উক্তির পরিচয় পেয়ে আল্লাহ খুশি হয়েছেন। তিনি তাঁর ইমানের পরীক্ষায় উত্তীর্ণ হলেন এবং তাঁর পুত্রের পরিবর্তে দুধা কোরবানি করার নির্দেশ পেলেন। এরপর থেকেই মুসলমানদের মধ্যে উট, গরু, দুধা, ছাগল কোরবানি দেয়ার নিয়ম প্রচলন হয়।

ঈদুল আযহার উদযাপন : জিলহাজ্জ মাসের দশ তারিখে মুসলমানেরা জামায়াতে ঈদুল আযহার নামাজ আদায় করে। এরপর সামর্থবান মুসলমানেরা গরু, উট, দুধা, ছাগল আল্লাহতায়ালা নামে জবেহ করে এবং বিধান অনুযায়ী গরীব মিসকিন ও আত্মীয় স্বজনের মধ্যে বিলিয়ে দেয়।

ঈদ উৎসবের তাৎপর্য : ঈদ উৎসবের গুরুত্ব ও তাৎপর্য অশেষ। জীবনে এর প্রভাব অপরিসীম। ঈদুল ফিতর যেমন সংযম সাধনা, ত্যাগ, মহত্ত্ব পরীক্ষা এর শিক্ষা দেয় তেমনি ঈদুল আযহা ত্যাগের মহীমায় আল্লাহর নৈকট্য লাভের শিক্ষা দেয়।

উপসংহার : বস্ত্রত ঈদ উৎসব সকলের মাঝে সাম্য, মৈত্রীর বন্ধনের শিক্ষা দেয়। মুসলমানদের জন্য এটি মহামিলন ক্ষেত্র। ধনী-গরিব সবাই পারস্পারিক হিংসা দ্বেষ ভুলে গিয়ে প্রীতির বন্ধনে আবদ্ধ হয়। কবির ভাষায় — "ইসলাম বলে সকলের তরে মোরা সবাই, সুখ দুঃখ সমভাগ করে নেব ভাই।"